

湖

廣

湖廣方輿紀要序

湖廣之形勝在武昌乎在襄陽乎抑在荊州乎曰以天下言之則重在襄陽以東南言之則重在武昌以湖廣之中也北有襄陽之蔽西有夷陵之防東有武昌之援楚人都郢而強及鄢郢亡而國無以立矣故曰重在荊州也何言乎重在武昌也夫武昌者東南得之而存失之而亡者也漢置江夏郡治沙羨劉表鎮荊州以江漢之衝恐爲吳人侵軼於是增兵置戍使黃祖守之孫策破黃祖於沙羨而霸基始立孫權知東南形勝必在上流也於是城夏口都武昌武昌則今縣也而夏口則今日之武昌也繼孫氏而起者大都不能改孫氏之轍矣故曰重在武昌也何言乎重在襄陽也夫襄陽者天下之腰膂也中原有之可以併東南東南得之亦可以圖西北者也故曰重在襄陽也請得而備言之從來善用荊州者莫如楚楚都於郢而其爭中原也則在方城漢水之外是今日襄陽以北地矣西則以黔中巫郡隔礙秦雍控扼巴蜀非今日歸州夷陵諸境乎東則越冥阨以迫陳蔡由夏州來符離以通江淮非今日武昌黃蘄之郊乎是則全楚之形勝莫過於荊州也若夫用武

昌者則莫備於江東孫氏都武昌非不知其危險堵确
僅恃一水之限也以江夏迫臨江漢形勢險露特設重
鎮以爲外拒而武昌退處於後可從容而圖應援耳名
爲都武昌實以保江夏也未有江夏破而武昌可無事
者晉人伐吳分遣一軍出夏口一軍出武昌此亦第徇
吳人陪都之名而未權其實也東晉因之而武昌與夏
口並重陶侃領荊州則鎮武昌庾翼領荊州則鎮夏口
劉裕締造之初亦嘗以江沔未靖移荊州治夏口迨孝
武時則增置郢州治焉郢州治而武昌乃歸重於夏口
矣蓋郢州者所以分荆襄之勝而壓荆襄之口者也自
此荆襄多事郢州實首當其鋒沈攸之以江陵發難不
能下郢州不旋踵而敗亡蕭衍自襄陽而下則必爭郢
州王僧辨自荊州而下則先入郢州隋人以夏首爲陳
氏之要衝唐人以鄂州爲江漢之重鎮皆昔郢州也及
南宋之衰也襄樊陷兩郢傾而鄂州之防急以伯顏之
強狡不敢輕犯鄂州者誠畏其險也及取鄂州而東南
遂不支矣是上流之形勝誠莫切於武昌也若夫襄陽
者西晉用之則以亡吳蒙古用之則以亡宋次則西魏
用之亦以亡梁苻堅之陷襄陽也不知襄陽之可以覆
晉也西魏之擅襄陽也不知亡梁之資卽覆陳之本也

間嘗謂南國之周瑜有用襄陽之志而無其年關壯繆
有用襄陽之勢而無其智庾翼有用襄陽之識而無其
力桓溫有用襄陽之力而無其誠南宋諸君子有用襄
陽之言而無其事于岳武穆可謂聞其語矣見其人矣
而又廢於讒賊然則千百年來北人以襄陽并東南者
有之矣南人未有以襄陽而清關洛者也要以襄陽爲
天下之要膺則自若矣客曰予聞之武昌水要也荊州
路要也襄陽險要也今由子之言益信三郡之於楚如
鼎足然殆未容以優劣視歟余曰三要之說亦未盡然
子遂因之而以三郡並較也襄陽殆非武昌荊州比也

吳人之夏口不能敵晉之襄陽齊人之郢州不能敵蕭
衍之襄陽宋人之鄂州不能敵蒙古之襄陽矣昔人亦
言荊州不足以制襄陽而襄陽不難於併江陵也三國
爭荊州吳人不能得襄陽引江陵之兵以攻魏輒破於
襄陽之下梁元帝都江陵而仇襄陽襄陽挾魏兵以來
而江陵之亡忽焉魏人與蕭詧以江陵而易其襄陽亦
謂得襄陽而江陵之存亡我制之也五代時高氏保江
陵賴中原多故稱臣諸國以延歲月宋師一逾襄陽而
國不可立矣蒙古旣陷襄陽不攻江陵而攻兩郢也亦
以江陵不足爲我難也噫孫氏有夏口有江陵而獨不

得襄陽故不能越漢江尺寸地晉人有襄陽矣乃謂漢水之險不及大江甚且輕戍江北重戍江南何其無志於中原也幸而是時北人無能用襄陽者耳彼襄陽者進之可以圖西北退之猶足以固東南者也有襄陽而不守敵人踰險而南漢江上下罅隙至多出沒縱橫無後顧之患矣觀宋之末造孟拱復襄陽於破亡之餘猶足以抗衡強敵及其一失而宋祚隨之卽謂東南以襄陽存以襄陽亡亦無不可也客曰然則國家省會之設何以不於襄陽而於武昌余曰此亦因已然之跡未究其本耳漢都長安而荊州首列南郡晉都洛陽荊州先治襄陽平吳之後改治江陵唐都長安而十道之設山南道則治荊州開元改置則山南東道治襄陽宋都汴梁分湖南北爲兩路治江陵長沙後復增置京西南路治襄陽蓋天下之形勢視建都者爲推移藩屏之疎密視建都之向背何如耳六朝南宋以中原旣失僻在東南武昌不得不爲重地元起於北方去東南取遠當伯顏之破襄郢而東也宋人舉國以爭鄂州矣伯顏於是多方以圖之旣得鄂州周覽山川以爲江南要地亟請城之爲規取江南基本其後因之而行省建矣僞漢逋逃據爲窟穴太祖克之仍爲司治蓋旣已定鼎金陵當

混一之時而未忘東南之慮從金陵而論武昌王述所云一有緩急駿奔不難者也燕都卜宅以後亦惟成憲是遵又何改焉所謂因已然之迹而未究其本者此也客曰然則襄陽可以爲省會乎曰奚爲不可自昔言相中之地爲天下膏腴誠引溼洧之地通楊口之道屯田積粟鞠旅陳師天下有變隨而應之所謂上可以通關陝中可以向許洛下可以通山東者無如襄陽由武昌而北非不足以叩三關動申蔡然而取道紆迴不如襄陽之徑且易也客又曰建國於東南襄陽亦可以爲省會乎曰東晉時已僑置雍州於此矣昔人謂東南可以

問中原者莫如襄陽晉之桓溫宋之隨王誕齊之曹虎陳顯達遠之戰於河洛之間近之爭於穰鄧之際惟其有襄陽也西魏因蕭詧以取襄陽而東南之勢遂折而入於北襄陽在東南不後於武昌也然酌其中當設省會於武昌而建帥府於襄陽以全楚之資力供襄陽之指揮荊州引黔粵之儲西陵通巴渝之蓄而武昌集吳會之漕以持襄陵之後數千里間呼吸可通見敵之隙必速乘之吾知天下之勢且在東南矣彼武昌者自守或有餘攻取或不足且夫陽邏旣下而道出武昌之東門嘉魚可來而敵在武昌之南渚漢口之重兵吾虞其

未可專恃矣至於夷陵險要自古所推而施州山川環結土田蕃衍隋唐以來皆爲郡縣今等之於要荒矣竊謂夷陵建郡而以施州屬之增置屬邑南北相麗旣以通楚蜀之援亦以厚巴夔之勢或亦圖國者所當計及歟

讀史方輿紀要

□□
□□
□□
□□
□□
□□

□
□
□
□
□
□
□
□

湖廣一

禹貢荆及衡陽惟荆州荆府南山漳見襄陽府南漳縣周禮職方正南曰

荆州爾雅漢南曰荆州應劭詩曰荆強也言其氣躁春秋

至戰國並為楚地其在天文翼軫則楚分野秦併天下

置南郡黔中長沙等郡漢武置十三州此亦為荆州其

後漢因之廢初縣治武陵郡漢壽縣今常德府

三國初分有其地北境屬魏西境屬吳其後蜀漢之地為

吳所并晉亦置荆州初治武昌其後遷吳後理一南郡東晉初

讀史方輿 卷七十五 湖廣一 敷文閣

後不復移自宋分置荆州治南郢州江建州二年分荆湘

夏治江雍州襄陽治長齊並因之梁陳分割滋多不

可殫析初陳時自後屬隋隋煬帝亦置荆州而不詳所統

大業末為蕭銑所據唐平之分屬山南今安陸之荆州襄陽

屬山南淮南今黃州德安漢道江南今武昌岳州常德長

州道郴州及施州衡州永寶慶寶慶州常德長

南東治襄陽而常德府及岳江南西治豫章而武昌岳

焉黔中治今四川彭水縣江南諸道後為荆南湖

南南唐所據宋初為湖南治潭湖北治江及京西路安今

陸襄陽鄭陽及德安之隨州皆屬後又增置京西南路

治襄陽 元始置湖廣等處行中書省治武昌 後為陳友諒所

據明初平之仍置行省洪武九年改置湖廣等處承宣
布政使司領府十五直隸州二屬州十四屬縣一百有
八總為里三千四百二十萬石有奇夏秋二稅約二百二十萬石有奇 而衛所參列其中今
仍為湖廣布政使司

武昌府 屬州一 縣九

江夏縣 附郭 武昌縣 嘉魚縣

蒲圻縣 咸寧縣 崇陽縣

通城縣

興國州

讀史方輿 卷七十五 湖廣一 二 敷文閣

大冶縣 通山縣

漢陽府 屬縣二

漢陽縣 附郭 漢川縣

黃州府 屬州一 縣八

黃岡縣 附郭 麻城縣 黃陂縣

黃安縣 蘄水縣 羅田縣

蘄州

廣濟縣 黃梅縣

承天府 今屬州二陸縣五

鍾祥縣 附郭 東山縣 潛江縣

荆門州

當陽縣

沔陽州

景陵縣

德安府

屬州一 縣五

安陸縣

附郭

雲夢縣

應城縣

孝感縣

隨州

應山縣

岳州府

屬州一 縣七

紀讀
要史方輿

卷七十五 湖廣一

三

敷文閣

巴陵縣

附郭

臨湘縣

華容縣

平江縣

澧州

安鄉縣

石門縣

慈利縣

永定九年見諸
衛所附

荊州府

屬州二 縣十一

江陵縣

附郭

公安縣

石首縣

監利縣

松滋縣

枝江縣

夷陵州

長陽縣

宜都縣

遠安縣

歸州

興山縣 巴東縣

襄陽府 屬州一 縣六

襄陽縣 附郭 宜城縣 南漳縣

棗陽縣 穀城縣 光化縣

均州

鄖陽府 屬縣七

鄖縣 附郭 房縣 竹山縣

竹谿縣 上津縣 今省 鄖西縣

保康縣

長沙府 屬州一 縣十一

紀讀
要史方輿

卷七十五 湖廣一

四

敷文閣

長沙縣 附郭 善化縣 附郭 湘陰縣

湘潭縣 瀏陽縣 醴陵縣

寧鄉縣 湘鄉縣 攸縣

安化縣 益陽縣

茶陵州

常德府 屬縣四

武陵縣 桃源縣 龍陽縣

沅江縣

衡州府 屬州一 縣八

衡陽縣 附郭 衡山縣 耒陽縣

常寧縣

安仁縣

酃縣

桂陽州

臨武縣

藍山縣

永州府

屬州一

縣六

零陵縣

附郭

祁陽縣

東安縣

道州

寧遠縣

江華縣

永明縣

寶慶府

屬州一

縣四

邵陽縣

附郭

新化縣

城步縣

武岡州

讀史方輿

卷七十五

湖廣一

五

敷文閣

新寧縣

辰州府

屬州一

縣六

沅陵縣

附郭

盧溪縣

辰溪縣

溆浦縣

沅州

黔陽縣

麻陽縣

附鎮見溪所

直隸郴州

屬縣五

永興縣

宜章縣

興寧縣

桂陽縣

桂東縣

直隸靖州

屬縣四

會同縣

通道縣

綏寧縣

天柱縣

施州軍民府

長大田所及宣撫安撫

永順宣慰司

長南渭等司俱附見及

保靖宣慰司

官五寨附見

東距潯陽

潯陽今九江府自黃蘄而下則九江為都會

南連嶺嶠

五嶺之在南境者凡三一曰騎田嶺五嶺從東第二嶺也一名臘嶺亦曰黃岑山亦曰黃箱山在郴州南

紀讀史方輿

卷七十五

湖廣一

六

敷文閣

三十六里嶺高二十九里周迴三百八十一里一曰

都龐嶺五嶺從東第三嶺也亦名永明嶺在永州府

道州永明縣北五十里連亘羣山高險殊絕又名揭

陽嶺

名一都龐山與廣東連州分界此為五嶺之一水

經注都龐嶺在南平縣界藍山縣即故南平也此於

五嶺東西之次似合然永明在北而江華在南次第

嫌似亦無一曰甯渚嶺五嶺從東第四嶺也亦名白芒

嶺在道州江華縣西水經注萌渚嶠有萌渚之水出

焉其山多錫亦謂之錫方自崎田嶺而東則為大庾

嶺接廣東南雄府江西南安府界自甯渚嶺而西則

為臨源嶺接廣西桂林府界橫絕南北不啻千里土

風迥別寒燠頓殊秦王翦降百越以謫戍五萬人守
五嶺誠天地之關隔矣五嶺詳見廣東北界

西據三峽

三峽起自四川夔州府奉節巫山二縣之東達於歸
州彝陵州之西連山疊嶂隱天蔽日凡六七百里詳見

西陵下

北帶漢川

漢水亘楚地之中曰北帶指襄陽以北而言也自漢
而北卽河南及陝西之境

其名山則有衡山

紀讀史方輿

卷七十五

湖廣一

七

敷文閣

衡山在衡州府衡山縣西北三十里五嶽之一也舜
典五月南巡狩至於南嶽禹貢岷山之陽至于衡山
周禮職方荊州鎮曰衡山史記秦始皇二十八年度
淮水之衡山自漢武移南岳之名于霍山隋文帝始
復以衡山爲南岳唐六典江南道名山曰衡岳至德
二年李泌請歸隱衡山從之今煙霞峯旁有爛柯懶
殘等巖卽鄴侯隱處
名山記上承翼軫鈐總萬物故名衡山度應三衡位
直離宮故曰南岳其山高四千一十丈長沙志作
九千餘丈盤
繞八百里有七十二峯十洞十五巖三十八泉二十
五谿九池九潭九井又有九漏而峯之取大者五曰祝

融紫蓋雲密石廩天柱荆州記又云衡山三峯極秀
上有飛泉瀑而祝融又爲之冠道書以爲二唐盧載
布下灌田畝

所云十二峯中取高者也峯之巔有風穴有雷池自
紫蓋峯以下各有巖洞泉壑之勝而天柱峰形如雙
柱屹然聳拔九域志名山三百六十有八柱此爲第

六柱五峯而降其在衡山縣境者凡五十五峯祝融

雲密紫蓋石廩天柱諸峯皆峯之大者此外又有碧
雲香爐石困諸峯共五十有五今按七十二峯之名

大都好事者所而在衡陽縣境者凡七峯在長沙府

湘鄉湘潭善化縣境者凡十峰共爲七十二峰也徐

靈期曰回鴈爲南岳之首回鴈峯見嶽麓爲南岳之

紀讀史方輿 卷七十五 湖廣一 八 敷文閣

足嶽麓峯見衡山蓋跨長沙衡州二郡之境矣郭璞

山別名峒嶺今峒
嶺峯見衡陽縣

九疑

九疑山在永州府道州寧遠縣南六十里衡郡志云
在衡州府桂陽州藍山縣西南五十里蓋山接衡永
之界也太史公曰舜崩於蒼梧之野葬於江南九疑
故老相傳舜當登此秦紀始皇三十七年行至雲夢
望祀虞舜于九疑漢武元封五年亦望祀焉郭璞云
其山九谿皆相似酈道元曰九疑山盤基蒼梧之野
峰秀數郡間羅巖九舉各道一溪岫壑負阻異嶺同

勢遊者疑焉故曰九疑元結曰九疑山方四百里衡
永郴道四州各近一隅九峯各道一溪四水流灌於
南海五水北注於洞庭孔穎達曰九疑卽蒼梧山也
胡氏曰九疑蒼梧蓋
兩據合而言之悞檀弓云舜葬于蒼梧之野謂此
文穎曰九疑山蓋半
在蒼梧半在洞庭九峯一曰朱明志以爲瀟水源二曰石
城源洳水三曰石樓源巢水四曰娥皇源池水五曰舜原亦
曰華蓋源瀑水蓋九峰之中峰也六曰女英城砮志舜源九
疑在女英峯下九七曰簫韶源潯水八曰桂林源洳水九曰
杞林亦曰梓林九疑山志朱明峯簫韶峰各去舜峰
西十五里石城峯桂林峯各去舜峯北十五里石樓
峯在舜峰東三十里娥皇峯在舜峰西四十六里女
英峯在舜峯西五十里杞林峰去舜峯西六十里而
舜原峰正當寧遠之南有三峯鼎立相去各五里高
接雲漢上有飛泉蹊徑險絕人跡罕至其下則衆山
環合如列屏然九疑爲南服之望允矣

大別

大別山在漢陽府城東北百步漢江兩岸江水逕其
南漢水從西北來會于大別之東南禹貢內方至於
大別又漢水至于大別南入于江左傳定四年吳師
伐郢楚子常濟漢而陳自小別至于大別小別山見漢川縣

山之左卽是沔口諸州圖經隋郎茂撰漢水東行觸大別

之陂南與江合是也三國初曹魏定荊州以文聘爲

江夏太守守沔口吳軍來攻不克後吳人得之嘉禾

中陸遜諸葛瑾戍守於此東晉初荊州賊王貢敗陶

侃將朱伺於沔口皆在大別山下也山亦名翼際山

又名魯山志曰大山有魯肅寺因名司馬杜佑曰魯山

三國南北之際必爭之地也東晉元興末桓元餘黨

桓振等復據江陵劉毅進討至夏口振遣其黨馮該

守東岸孟仙圖據魯山城桓仙客守偃月壘壘在漢水北岸

水陸相援毅自攻魯山城劉道規攻偃月壘何無忌

紀讀史方輿 卷七十五 湖廣一 十 敷文閣

遏中流二城皆潰該走石城石城見安陸州宋昇明初沈攸

之舉兵江陵討蕭道成分兵出夏口據魯山旣而攸

之攻郢城不克郢城卽夏口亦曰郢州城帥衆過江至魯山軍遂

大敗齊末蕭衍舉兵襄陽東昏侯使郢州刺史張仲

守郢城又使房僧寄守魯山衆議欲引兵圍郢衍曰

魯山與郢城爲犄角若悉衆前進魯山必阻我沔路

搯我咽喉糧運不通自然離散矣遂分軍圍郢城自

圍魯山魯山尋降郢城亦下梁大寶二年侯景攻巴

陵不克遁還畱其黨丁和等守郢城支化仁鎮魯山

繼而王僧辨出漢口次第攻拔之遂引兵東下陳天

嘉初王琳據江郢諸州附於齊齊人守魯山爲郢城聲援及琳敗郢州歸陳齊人棄城走陳因置魯山郡守之明年以郡賂周周人以其爲重鎮大建十二年周司馬消難以沔南地及魯山等鎮來降尋復爲周所得光大中華皎以湘州降周周遣衛公直等應之直軍魯山使別將率步騎圍陳郢州隋末蕭銑置郢州於魯山唐武德四年其鄂州刺史雷長穎以魯山來降於是江表悉定夫魯山江漢之鎖鑰也其與郢城形援密邇齊梁以來以重兵屯郢城又于魯山置鎮控扼要害魯山之險卽郢城之險也一旦有事未有

偏受其害者唐六典淮南道名山曰大別五代梁開平二年荆南高季昌遣兵屯漢口絕楚人朝貢之路蓋大別之下偏師守之足以橫絕南北也唐胡曾過大別山詩云思量鐵鎖眞兒戲誰爲吳王畫此籌蓋山北下有鎖穴也又元周瞠賦云繫大別之爲山鎮南北之要衝杜荆鄂之形勝俯江漢之朝宗時以爲實錄

其大川則有江水

江水自四川巫山縣流入界經巴東縣及歸州之北又東至彝陵州南宜都縣北而歷枝江縣松滋縣之北又歷荊州府城南至公安縣石首縣之北又經監利縣南及華容縣東北而至岳州府之北又經臨湘

縣北而東北流過嘉魚縣西又北至漢陽府城東武昌府城西而會於漢水復北折而東歷武昌府北黃陂縣南又東歷黃州府南武昌縣北又經蘄水縣及蘄州城南興國州之北又東南歷廣濟縣黃梅縣之南而東入江南宿松縣界江之南岸卽江西德化縣界矣自西而東回環境內者約千八百里自昔南北相爭沿江上下所在皆險蓋不特楚地之襟要又爲吳會之上游也今詳見川瀆異同

漢水

漢水自陝西白河縣流入界經鄖陽府城南又歷均

州及光化縣之北穀城縣之東又東至襄陽府城北折而東南經宜城縣之東又南經安陸府城西荆門州之東復東南出經潛江縣北及景陵縣南又東歷沔陽州北及漢川縣南至漢陽府城東北大別山下會于大江禹貢荊州江漢朝宗于海詩滔滔江漢南國之紀左傳楚漢水以爲池又曰江漢睢漳楚之望也史記楚世家昭王曰先王受封望不過江漢夫楚之初漢非楚境也故屈完對齊桓云昭王之不復君其間諸水濱自楚武伐隨軍于漢淮之間自是漢上之地漸規取之矣吳之伐楚也與楚夾漢而楚之禍

亟焉林氏曰楚之失始于亡州來符離其再失也由
于亡漢晉蔡謨謂沔水之險不及大江不知荆楚之
有漢猶江左之有淮唇齒之勢也漢亡江亦未可保
矣孫氏曰國于東南者保江淮不可不知保漢以東
南而問中原者用江淮不可不知用漢地勢得也水利
考曰漢之患多在襄承下江之患多在荆州九江之患
多在常岳蓋上流既盛下流未合故橫溢不免洞庭
合而江已蓋盛則利於順淺矣夫禹之治水也疏瀹
排而己蓋盛則利於順淺矣夫禹之治水也疏瀹
則以利於蓄排必以至防之止水也以周禮蕩稻水
地以瀦於蓄排必以至防之止水也以周禮蕩稻水
也以後世澮寫水說變謂流雖益亂惟恃隄防而亦
免則盡復于壑矣蓋但知紆回壅障不以均田作大
紀讀要史方輿卷七十五湖廣一十三敷文閣

湘水

誠之因其故隄增高培薄使有經所游蕩如賈讓復視其所
塞之至急者疏為支渠使有經所游蕩如賈讓復視其所
謂漢多穿漕渠以分治也夫則詳見川瀆異同

湘水出廣西興安縣南九十里之海陽山其初出處
曰靈藁流五里分為二派志云有嶺流而南者曰漓水
流而北者曰湘水漓離也言違湘而南湘相也言有
所合也湘水東北流經全州域南有灌水合焉又東
北流入境經永州府東安縣南至府城西南去府城
引而北有瀟水會焉又經祁陽縣東而入衡州府常
寧縣西北境又經府城南引而東北有烝水會焉又

經衡山縣東而北流入長沙府湘潭縣境過縣西至府城西環城而下過湘陰縣西又北而達青草湖注於洞庭湖地理志湘水過郡二零陵長沙也行二千五百三十里水經注湘水出陽海山即海陽山北至巴邱山入江吳蜀分荊州以湘水爲界長沙江夏桂陽以東屬吳南郡零陵武陵以西屬蜀湘水實貫于數郡間矣時又置關水上以通商旅謂之湘關建安二十四年關羽得于禁降軍糧食乏絕擅取權湘關米權聞之遂發兵自其合瀟水而言之則曰瀟湘自其合沅水而言之則曰沅湘自其下洞庭會沅水而言之則曰沅湘實同一湘水也

沅水

沅水出四川遵義府境班固曰沅水出牂牁郡故且蘭縣東北是也近志曰沅水出貴州鎮遠府境今攷沅水本無正源蓋羣川會流至辰州府沅州界而益大沅水過沅州城南又逕黔陽縣城南又東接靖州會同縣西界東北流經辰溪縣北盧溪縣南又過辰州府城南東北至常德府桃源縣南又東逕常德府城南龍陽縣北至沅江縣之西南而汪於洞庭湖其地名紅沾口地理志沅水東北至益陽入江今沅江縣本長沙益陽地也過郡二謂牂牁行二千五百三十里楚辭濟沅湘以南征淮南子楚地南卷沅湘太史公

浮沅湘蓋楚地南境之水莫大於

漢建武二

十三年武陵蠻反遣劉尙將兵泝沅水入武谿擊之

敗沒武谿谿見今辰州以西五谿諸水皆附沅水而達

於洞庭蓋水流深險溪蠻依以為阻也近志湖北之

水常德辰靖印湖北以沅水為宗云

澧水九江澧水附見

澧水出靖州綏寧縣東南百里之唐糾山班固曰澧

水出都梁之路山酈道元曰即唐糾山矣山本在武岡州西南

舊屬武岡界也澧水東北流經寶慶府武岡州北又

經府城北邵水會焉或謂之邵江北流至新化縣東

紀讀史方輿

卷七十五

湖廣一

十五

敷文閣

而入長沙府安化縣境逕縣西又東北出益陽縣南

寧鄉縣北而入常德府沅江縣西南境注于洞庭湖

地理志澧水過郡二謂零陵也行千八百里今其水紆

曲行多灘險按禹貢言九江孔殷許慎曰九江沅漸

澠辰淑西澧澧湘也今考漸水在常德府武陵縣合

于沅江澠水在沅州城西亦入沅江漢志注無水首受故且蘭南入

沅行八百里一作澠水辰水則在辰州府沅陵城東入沅江西

水亦在沅陵城西入沅江而淑水則在辰州府淑浦

縣西亦北流入沅江惟澧水出岳州府澧州慈利縣

西三十里之歷山經縣北又東逕石門縣南至州城

南謂之蘭江又東逕安鄉縣華容縣南而入洞庭湖

唐志景龍三年禹貢所謂東至于澧楚辭所稱澧浦

者是也漢志澧水東至長沙雋縣入沅過郡二行

州界內所行不過五百餘里或云澧水自安鄉縣東南流會于常德府沅江縣之沅水云然則所

云九江者惟四江達于洞庭耳近志曰九江四在湖

南瀟湘烝澧也五在湖北沅溆漸辰酉也以澧水為不在九江

之數然瀟水烝水亦湘水支川耳其會衆川以入洞

庭者于東則湘水為宗于西則沅水為長而出於二

水之中者澧水為雄由是而北庶幾以澧水為君矣

沮水附漳水

紀讀史方輿

卷七十五

湖廣一

十六

敷文閣

沮水出鄖陽府房縣西南二百里之景山東南流經

襄陽府南漳縣南境又南逕荊州府夷陵州之遠安

縣東而入安陸府荊門州界至當陽縣北又東南合

於漳水漳水出南漳縣南境之廢臨沮縣南山海經

臨沮縣東荆山南經當陽縣北又東南與沮水合流

達縣南之沱江至荊州府枝江縣而入大江沮本作

睢左傳定四年吳人敗楚及郢楚子出涉睢又哀六

年楚子所謂江漢睢漳者也後從沮又譌為相讀曰租

今襄陽以南沮水左右地皆曰沮中亦謂之相中後

漢建武二十三年南郡蠻反劉尙討破之杜佑曰澹

山蠻也澗亦作粗卽粗中蠻矣或曰緣沔諸山蠻也

襄陽記粗中在上黃界今南漳境去襄陽一百五十

里魏時夷王梅敷兄弟部曲萬餘屯此分布在中廬

宜城西山鄆沔二谷中中廬見南漳縣土地平曠宜桑麻有

水陸良田蓋粗中者沔南之膏腴沃壤也故臨沮上黃沮陽長

寧等縣皆郡縣志南漳縣東北一百八里有粗山吳

朱然諸葛瑾從沮中乘山險道北出處也按吳志赤

烏四年朱然圍樊諸葛瑾取粗中又朱然傳赤烏五

年征粗中九年復征粗中殺掠數千人而還或云司馬懿鑿

八疊山開路於此停租因魏志正始四年諸葛瑾攻

紀讀要史方輿卷七十五湖廣一十七敷文閣

沮中司馬懿曰沮中民夷十萬隔在水南逆救却之

何承天謂襄陽之屯民居星散司馬懿謂宜徙沔南

以寔水北曹爽不用果亡沮中者也又王基言荊州

有沮漳二水漑灌膏腴之田以千數安陸左右陂池

沃衍若水陸並農以實軍資然後引兵詣江陵夷陵

分據夏口順沮漳資水浮穀而下吳可滅也又景元

二年襄陽太守胡烈表言吳將鄧由李光等十八屯

同謀歸化欲令郡兵臨江迎援詔荊州都督王基逕

造沮水迎之不果晉隆安五年桓元移沮漳蠻二千

餘戶于江南立武寧郡治編更招集流民立綏寧郡

見治長寧州俱元敗其黨桓謙匿于柵中復作亂蓋柵中
水陸紆險蠻蛋錯處故也自唐以來沮漳之水皆自
江陵西入江宋淳祐中孟珙障而東之復北入於漢
爲三海之利詳見江陵縣

洞庭湖

洞庭湖在岳州府城西南一里或謂之九江禹貢九

江孔殷又云過九江至於東陵山海經洞庭乃沅澧

水漲方九百里許慎云九江卽洞庭也沅漸澗辰溆西澧澆

湘九水皆合於洞庭中東入江故名九江或謂之五

渚戰國策秦破荆襲郢取洞庭五渚又蘇代曰乘夏

紀讀史方輿 卷七十五 湖廣一 十八 敷文閣

水下漢四日而至五渚裴駟云五渚在洞庭沅澧

而過洞庭瀦在其間謂之五渚劉伯莊曰五渚在宛鄧間臨漢水韓非子又作五湖也

或謂之三湖三湖者洞庭之南有青草湖湖在巴陵

縣南七十九里在長沙湘陰縣北百里周迴二百六

十五里自冬至春青草彌望水溢則與洞庭混而爲

一矣洞庭之西則有赤沙湖湖在巴陵縣西百里在

常德府龍陽縣東南三十里周迴百七十里當夏秋

水泛則與洞庭爲一涸時惟見赤沙彌望而洞庭周

迴三百六十里南連青草西吞赤沙橫亘七八百里

謂之三湖又或謂之重湖重湖者一湖之內南名青

草北名洞庭有沙洲問之也祝穆曰青草湖一名巴邱湖北連洞庭南接瀟湘東納汨羅之水自昔與洞庭並稱然而巴邱實爲通稱矣後漢志巴邱江南之雲夢也郭璞亦言雲夢巴邱湖是也則巴邱又兼有雲夢之名舊志曰巴邱湖當沅湘之會表裏山川寔爲險固羣蠻所據也則洞庭卽爲巴邱矣志又云洞庭太湖也廣圓五百餘里日月若出沒于其中吳起曰三苗之國左洞庭右彭蠡莊子黃帝張咸池之樂于洞庭之野楚辭遭吾道兮洞庭後漢南蠻傳吳起相悼王南并蠻越遂有洞庭蒼梧是也洞庭湖中有

君山亦名洞庭山

在岳州府西南十五里

在湖中心方六十里

巴陵志湘君所遊故曰君山唐武德四年李靖攻蕭銑曰蕭銑之地南出嶺表東距洞庭天復二年淮南將李神福攻杜洪於鄂州荆南帥成汭引舟師來救神福遣軍逆擊之于君山大破之後唐天成三年吳將苗璘等將水軍攻楚岳州至君山楚將許德勳禦之潛軍角子湖

一名澧湖見岳州府

使別將絕吳歸路吳師還

遂擊擒之宋崇寧四年詔開修青草洞庭直河紹興五年岳飛討楊么于洞庭伐君山木爲大筏塞諸汊港擒么斬之今道出湖湘間者必問津于洞庭洞庭

吐納羣川而大江西來橫亘其口每歲六七月間岷
峨雪消水暴漲自荆江逆入洞庭清流爲之改色渡
湖而南則由長沙而之嶺海湖濶二百里渡湖而西
則由常德而道滇黔湖濶二百五十里渡湖而西北
則入澧州而取逕于荆州常德之間湖濶亦二百里
誠荆州之巨浸矣
其重險則有夏口

夏口在今武昌府城西今府城卽古夏口城也亦曰
沔口亦曰漢口亦曰魯口或以夏水名或以漢水名
或以對魯山岸爲名寔一處也應劭曰江別入沔爲

夏水夏水始于分江冬竭夏流故名曰夏水經注夏

水本江之別出自江陵縣東南又東過華容縣南

華容

見荆州府監利縣

又東至江夏雲杜縣入于沔

今見安陸沔陽州謂

之睹口自睹口下沔水通兼夏名而南至魯山下會
于江謂之夏汭春秋傳昭四年吳伐楚沈尹射奔命
于夏汭五年蘧射以繁揚之師會于夏汭杜預曰漢
水曲入江處卽夏口矣亦謂之夏州左傳宣十一年
楚復封陳鄉取一人焉以歸謂之夏州史記楚考烈
王元年秦取夏州車允曰夏口城北數里有洲名夏
州孔穎達曰大江中洲也李吉甫曰鄂州春秋時謂

之夏汭

杜祐謂夏汭在江陵誤

漢為沙羨東境後漢末謂之夏

口亦名魯口劉表以黃祖為江夏太守始于沙羨置

屯扼夏口之險建安十三年孫權西擊黃祖祖橫兩

蒙衝挾守沔口矢石兩下權督軍力戰奪沔口諸軍

水陸競進傅其城克之盡俘其男女而還未幾曹操

敗先主于當陽先主渡沔與劉琦等俱到夏口操自

江陵將順江東下周瑜言于孫權請得精兵數萬屯

夏口是也

吳黃武二年城江夏

吳志赤鳥二年復以城沙羨即江夏也

以

安屯戍其城西臨大江西角因磯為樓名黃鶴樓建

衡中以魯肅子淑為夏口督括地志船官浦東即黃

鵠山東北對夏口城其城孫權所築依山傍江開勢

明遠馮塘籍阻高觀枕流終吳之世以為要害嘉禾

三年分道伐魏遣陸遜諸葛瑾入江夏沔口向襄陽

司馬懿嘗言東關夏口敵之心喉是也

吳建衡二年孫皓使內侍

何定將兵獵夏口督孫秀素為吳王所惡恐見圖遂犇魏又天紀二年夏口督孫愼畧晉江夏千餘

家而還

晉永興二年陳敏謀據揚州時劉宏鎮荊州遣

陶侃屯于夏口敏遣其弟恢寇武昌侃敗却之永嘉

四年征南將軍山簡為羣盜嚴嶷所迫自襄陽徙屯

夏口建興末杜曾等作亂敗荊州兵乘勝逕造沔口

威震江沔豫章太守周訪擊却之建元元年庾翼督

荆江諸州圖經畧中原自武昌移鎮襄陽尋還治夏
口太元二年桓冲移鎮上明上表言江州刺史王嗣
宜進屯夏口據上下之中于事爲便八年表請桓石
民戍守於此時襄陽陷于苻秦夏口之備彌切也隆
安二年桓元爲江州刺史移屯夏口以逼江陵襄陽
五年元鎮江陵表其兄偉爲江州刺史鎮夏口元興
三年劉毅等討桓振於江陵自尋陽西上至夏口敗
振黨孟山圖桓仙客之兵義熙初劉毅等克江陵奉
帝東還劉毅劉道規畱屯夏口毅以爲夏口二州之
中地居形要控接湘川邊帶澗沔請以道規鎮夏口

既而毅東下道規自林障

見漢陽縣

徙治夏口城其城據

黃鵠磯邊江峻山險樓櫓高危足以瞰臨沔漢也劉

宋孝建元年分荆湘江豫四州之八郡

江夏竟陵隨武陵天門巴

陵武昌西陽凡八郡

爲郢州以分上流之勢又移江夏郡及郢

州並治夏口亦謂之郢城

江夏本治安陸

時江夏王義恭議

使郢州治巴陵何尙之曰夏口在荆江之中正對沔

口通接雍梁實爲津要由來舊鎮根基不易既有見

讀

城浦大容舫于事爲便

胡氏曰守江以船艦爲急故尙之云然

從之

昇明元年荆州刺史沈攸之舉兵江陵豫州刺史劉
懷珍言于蕭道成曰夏口兵衛要地宜得其人道成

子頤因薦柳世隆行郢州事時頤爲晉熙王變長史徵還朝薦世隆自代也

將行頤謂世隆曰攸之一旦爲變焚夏口舟艦沿流而東不可制也若得攸之畱攻郢城必未能猝拔君爲其內我爲其外破之必矣旣而攸之分遣其將孫同等次第東下出夏口據魯山攸之亦至夏口攻郢城世隆拒守久之不拔攸之帥衆過江至魯山軍遂大潰齊永明八年荊州刺史巴東王子響擅殺其長史劉寅等勅遣衛尉胡諧之等詣江陵檢捕命平南內史張欣泰爲之副欣泰曰彼凶狡相聚若頓軍夏口宣示禍福可不戰擒也諧之不從爲子響所敗永

元三年蕭衍舉兵襄陽東昏侯使張冲拒守郢城房僧寄守魯山衍前軍至漢口衆議欲并兵圍郢分兵襲西陽武昌衍曰漢口不濶一里箭道交至房僧寄以重兵固守與郢城爲犄角若悉衆前進僧寄必絕我軍後不若分遣諸軍濟江逼郢城我自圍魯山以通沔漢使郢城竟陵之粟方舟而下江陵湘中之兵相繼而至兵多食足何憂兩城不拔因築漢口城以守魯山又命水軍主張惠紹等遊遏江中絕郢魯二城信使于是蕭穎胄遣鄧元起等將兵會雍州兵於夏首又湘州刺史楊公則亦舉州衆會于夏口久之

未克衆以爲疑衍曰漢口路通荆雍控引秦梁糧運資儲仰此氣息所以兵壓漢口連結數州若郢州旣拔席捲沿流西陽武昌自然風靡何憂不濟攻圍二百餘日魯山郢城相繼降下遂趣建康梁太清三年侯景圍臺城雍州刺史岳陽王詵遣司馬劉方貴將兵出漢口爲聲援大寶二年景襲陷江夏因畱兵守夏首進攻巴陵復分兵窺江陵皆敗還乃畱兵守郢城魯山而東湘東王繹以王僧辨爲征東將軍引兵東下至漢口先攻魯山拔之進攻郢州克其縣城賊將宋子仙退據金城僧辨四面起土山攻之賊窮蹙

遂克郢州旣而北齊得之遣慕容儼戍守陳霸先遣將侯鎮攻圍六月餘不下後以蕭淵明入建康乃歸梁陳天嘉初王琳將孫瑒據守周將史寧來攻設土山長梯爲必取之計竟不能克光大中華皎以湘州降周引周兵軍于魯山復圍郢州陳將淳于量以舟師拒之于夏口旣而華皎合周梁之師自巴陵順流東下與吳明徹戰于沔口皎等大敗巴湘遂平隋取陳崔仲方以漢口夏首爲敵必爭之所是也晉志沙羨有夏口對沔口有津章懷太子賢曰漢水始欲出大江爲夏口又爲沔口夏口實在江北孫權于江南

築城依山傍江對岸則入沔津故名以夏口亦爲沙羨縣治至唐置鄂州而夏口之名移于江南沔水入江之口止謂之沔口或謂之漢口夏口之名遂與漢口對立分據江之南北矣唐武德四年平蕭銑命黃州總管周法明分道出夏口六年復命法明出夏口討輔公柝于丹陽興元初淮西李希烈叛稱帝以夏口上流要地使其將董傳襲鄂州刺史李兼敗却之元和初以淮西多事夏口當江漢之衝特置軍府以爲藩衛乾符中黃巢之亂攻夏口城止陷其外郭五代時夏口尤爲東南重地朱梁開平二年荆南帥高季昌遣兵屯漢口絕楚朝貢之路楚王殷遣兵攻荆南季昌乃懼而請和宋之將亡也夏貴以舟師扼夏口蒙古之強且睥睨而不敢輕進焉薛氏曰夏口南臨大山三方阻水漢陽以北限隔陂湖敵出上蔡則武昌夏口當其衝祝穆曰夏口城依山負險周迴不過二三里而歷代攻圍多不能破乃知古人築城欲堅不欲廣也

荆門

虎牙安
蜀附見

荆門山在荊州府夷陵州宜都縣西北五十里

章懷太子

賢曰荆門在夷陵東南宜都大江南岸北岸有虎牙

山與此相對荆門上合下開有若門然虎牙石壁色紅而有白文類牙形二山楚之西塞也江流出其間水勢峻急郭景純賦虎牙桀豎以屹崒荆門鬪竦而盤薄是矣漢建武九年公孫述遣田戎任滿等下江關見四川重據荆門虎牙橫江水起浮橋關樓立攢柱以絕水道結營跨山以守陸路十一年岑彭等自津鄉發兵會荆門遂拔巫及夷道夷陵因率舟師直衝浮橋因風縱火橋樓崩壞諸軍競進遂克之晉王濬伐吳自西陵進克荆門彝道陳置荆門鎮楊素平陳克之唐初蕭銑遣兵戍荆門城李孝恭李靖自夔州東下前鋒克荆門宜都二鎮孝恭等進至夷陵夷陵唐時屬是也又荆門南有安蜀城陳大建二年章昭達攻後梁主蕭歸於江陵梁主與周軍禦之周人于峽口南岸築壘名曰安蜀昭達攻克其城置信州治焉信州屬西魏後隋軍來伐陳將呂忠肅據荆門顧覺鎮安蜀城爲楊素所拔唐初蕭銑亦戍守之許紹傳江之南有安蜀城地直夷陵荆門城峙其東皆峭險蕭銑以兵戍守紹攻克之紹時爲峽胡氏曰荆門安蜀荆州西南之要地也

西陵

三見峽

西陵峽在荊州府夷陵州西二十五里峽長二十里層崖萬仞三峽之一也三峽者一爲廣漢峽卽瞿唐峽也在四川夔州府奉節縣東三里酈道元曰江水自巴東魚復縣東逕廣漢峽爲三峽之首中有瞿唐黃龕二灘是瞿唐卽廣漢之異名矣昔禹鑿以通江所謂巴東之峽也一爲巫峽巫峽在夔州府巫山縣東三十里因山爲名首尾一百六十里一爲西陵峽也或曰三峽者巫峽歸峽也歸峽卽今歸州空舸馬肝白狗諸峽是矣三峽之間長七百里兩岸連山畧無斷處非亭年夜分不見日月荊州記自夷陵縣泝江二十里入峽口名爲西陵

宜都記自黃牛灘

卽黃牛峽見夷陵州

東入西陵界至峽口百

許里山水紆曲今自巴東歷三峽下夷陵連山疊嶂江行其中迴旋湍激至西陵峽口始漫爲平流而夷陵州正當其衝故國于東南者必以西陵爲重鎮矣漢建武十一年岑彭破荊州長驅入江關吳漢畱夷陵裝露橈繼進建安二十四年得荊州以陸遜領宜都太守屯夷陵守峽口蜀漢章武二年先主東伐吳自巫峽建平連營至夷陵界列數十屯先王乃率諸將自江南緣山截岸軍于夷道獠亭見宜都縣吳諸將爭欲擊之陸遜曰備舉軍東下銳氣始盛又乘高守險

難可卒攻且獎厲將士廣施方畧以觀其變若此是平原曠野恐有顛沛交逐之憂今緣山行軍勢不得轉目當罷于木石之間徐制其敝耳乃上疏吳主曰夷陵要害國之關限失之非損一郡荊州可憂也臣初嫌彼水陸俱進今反捨船就步處處結營觀其布置必無他變夫客主之數先後之幾先主其未之解乎陸抗之鎮荊州也亦曰西陵國之西門及王濬伐吳下巴蜀克丹陽州今歸進克西陵遂成破竹之勢矣宋泰始二年晉安王子勛舉兵尋陽益州刺史蕭惠開應之遣將費欣等東下巴東人任叔兒擊殺之遂

阻守三峽益州兵不敢進元徽四年荊州刺史沈攸之遣軍討巴東建平叛蠻會建平王景素舉兵京口攸之急追峽中軍赴建康巴東太守劉攘兵建平太守劉道欣疑攸之有異謀勒兵斷峽不聽東下齊東昏侯永元末蕭穎胄奉南康王寶融舉兵江陵巴西太守魯休烈巴東太守蕭惠訓不奉命遣兵擊穎胄穎胄使劉孝慶屯峽口以拒之爲休烈所敗又梁太清三年信州刺史蕭慥夔信州府即今從湘東王繹援臺城軍于西峽口淹畱不進大寶二年陸法和謂湘東王繹請守險以待蜀乃引兵屯峽口及繹襲位蕭紀

自益州舉兵由外水果下與繹相攻軍至西陵法和
築二城于峽口兩岸運石填江鐵鎖斷之紀亦築連
城攻絕鐵鎖梁主益發軍援峽口紀尋敗死陳禎明
二年遣將周羅暉屯峽口侵隋峽州不克既而隋楊
素伐陳自永安州即夔府下三峽至流頭灘攻狼尾灘在西
西陵克之陳將呂忠肅屯岐亭據西陵峽于北岸鑿石
綴鐵鎖三條橫絕上流以遏隋船楊素力戰忠肅遂
敗走唐武德二年蕭銑寇峽州刺史許紹擊却之既
又遣其將帥舟師上峽規取巴蜀紹遣軍追至西陵
在時西州治西南也五代唐天成三年以荆南高季興拒
命遣將討之仍令蜀兵下峽合軍進攻夔州刺史西
方鄴敗荆南水軍于峽中復取夔忠萬三州初以三州授季
興也五代周顯德五年謀伐蜀荆南高保融請以水軍
趣三峽有詔袁美三峽蓋自楚入蜀之通道也宋平
孟蜀明初取明氏未嘗不分遣一軍西出三峽三峽
爲楚蜀之險西陵又爲三峽之衝要隔碍東西號爲
天險可不知所備歟

荆江口

荆江口在岳州府城西北十五里地志巴陵城對三
江口是也大江自蜀東流入荆州界出三峽至枝江

分爲諸洲凡數十處盤布川中至江津戍見江陵縣而後

合爲一故江津爲荆南之要會又東過石首縣北通

謂之荆江又東入岳州府界至城陵磯而洞庭之水

會于大江水勢益盛謂之荆江口亦謂之西江口亦

謂之三江口三江者岷江爲西江澧江爲中江湘江

爲南江俱至岳州城而迴合也水經注江水東至長

沙下雋縣北今巴陵縣地湘水從南來注之江水又東

左得二夏浦俗謂之西江口晉隆安三年殷仲堪鎮

江陵江州刺史桓元自夏口西上將襲仲堪仲堪遣

殷遙帥水軍拒之于西江口爲元所敗宋元嘉三年

謝晦以荆州叛自江陵東下至江口與到彦之相持

江口卽西江口唐武德六年洪州總管張善安叛附

輔公祐黃州總管周法明將兵擊公祐善安據夏口

拒之法明屯荆口鎮善安遣人刺殺之荆口鎮蓋置

于荆江口矣胡氏曰當在漢陽恐悞天復二年淮南將李神福

圍杜洪于鄂州荆南節度成汭引軍赴救未至郢州

潭州帥馬殷朗州帥雷彥威各遣將會兵荆江口乘

虛襲江陵陷之朱梁乾化末淮南將陳璋攻荆南不

克而還荆南兵與楚兵會于荆江口謀邀璋境以舟

二百艘駢爲一列夜過二鎮兵遽出追之不及又後

唐天成三年吳軍至荆江口將會荆南兵攻岳州爲楚將許德勳所敗宋乾德元年湖南統軍使黃從志以岳州拒命慕容延釗遣武懷節帥水軍趣岳州大破賊兵于三江口德祐元年蒙古入犯岳州將高世傑扼荆江口以拒之蒙古將阿里海涯督水軍屯東岸世傑乘夜陳於洞庭湖中爲海涯所破岳州遂降夫荆江口在全楚之中爲腰膂之地豈惟岳州之險要乎哉

按湖廣居八省中取爲閔衍山川險固自古稱雄武焉中原有事蓋必爭之地也是故襄陽其頭顱也黃

蘄其肘腋也江陵其腰腹也保商陝者在乎鄖陽跨兩粵者在乎郴永捍雲貴者重在長沅大江制東西之命五溪爲指臂之使此全楚之大略矣然爭形要者必在荆湖以北吳甘寧言于孫權曰南荆之地山川形便誠國之西勢也今先取夏口鼓行而西據楚關卽打關見長陽縣大勢彌廣卽可漸規巴蜀矣梁沈約曰荆州居上流之重土地廣遠資寔兵甲居朝廷之半宋高祖遺詔嘗令諸子居之蓋以荆州爲江左之頭日也宋李綱言荆湖國之上流其地數千里諸葛武侯謂之用武之國今朝廷保有東南制馭西北當于

鼎澧岳鄂一帶皆屯宿重兵使與四川襄漢相接乃有恢復中原之漸趙鼎曰荆襄左顧川陝右控湖湘而下瞰京洛三國所必爭宜以公安爲行闕而屯重兵于襄陽運江浙之粟以資川陝之兵經營大業計無出此陳亮言荆襄東通吳會西通巴蜀南極湖湘北控關洛左右伸縮皆足爲進取之機而呂氏祉則曰昔楚之興國于鄢郢而守黔中巫郡兼江漢之險而有之故以區區之國而嘗與齊晉爭衡三國而後海內之地分爲南北都秣陵者必備淮甸以犄角北寇然國之安危繫于上流而已蓋轉輸之利固繫于

上流屏翰之勢又係于上流南朝六姓其強弱之勢與興亡之由顧上流設施何如耳吳紀陟之聘魏也魏文問吳戍備幾何曰西陵至江都五千七百里又同道里甚遠難爲固守對曰疆界雖遠而險要必爭之地不過數四猶人有六尺之軀其護風寒亦數處耳今所謂險要必爭之地者不過江陵武昌襄陽九江九江在江西而與武昌共繫上流之險故因其舊文并錄之江水源于岷山下夔峽而抵荆楚則江陵爲之都會蟠冢導漾東流爲漢漢沔之上則襄陽爲之都會沅湘衆水合洞庭之波而輸之于江則武昌爲之都會豫章西江與鄱陽

之浸浩瀚吞納而滙于盆口則九江爲之都會守江陵可以開蜀道守襄陽可以援川陝守武昌九江可以蔽全吳蜀漢吳楚併而爲一則東南之守亦固矣至於備禦之事先收襄漢則興元之阻譬之近藩戍荆南則巴蜀之富還爲外府又屯武昌而湖之南北可以安堵屯尋陽而江之東西可以襟帶上游之勢成而後根本建康左右淮浙取資于蜀調兵于陝以天下之半而與敵爭庶乎可以得志矣噫此就呂氏時言之也今者荆土日闢沃野彌望再熟之稻方舟而下吳會之間引領待食雖江自夷陵以下時有橫溢之虞漢自襄陽以南亦多潰決之患然而富強之迹居然未改矣